

Comisiwn
Cydraddoldeb a
Hawliau Dynol

Equality and
Human Rights
Commission

Plant a phobl ifanc

Pwy ydych chi'n ei weld?

Byw gyda'n gilydd yng Nghymru



Canfyddiadau Allweddol.

- Credir yn gyffredinol fod ymddygiad pobl ifanc yn waeth nag ydoedd yn y gorffennol ac nad oes gan bobl ifanc barch tuag at bobl hŷn.
- Mae nifer sylweddol o boblogaeth Cymru yn credu na wrandewir ar farn pobl ifanc ddigon.

Plant a phobl ifanc

Cyflwyniad

Mae'r ddogfen hon yn cynnig dadansoddiad o nifer o ddatganiadau agwedd ynglŷn â sut y mae eraill yn canfod plant a phobl ifanc¹ ac ymddygiad pobl hŷn tuag atynt.

Ymddygiad ac agweddau pobl ifanc

Ymhlith oedolion yng Nghymru roedd safbwyntiau cryf ynglŷn ag ymddygiad ac agweddau plant a phobl ifanc. Cytunodd tri chwarter yr oedolion yng Nghymru â'r datganiad 'mae ymddygiad pobl ifanc heddiw yn waeth nag ydoedd yn y gorffennol', tra anghytunodd 17 y cant.

O ran rhyw, roedd menywod (77 y cant) ychydig yn fwy tebygol na dynion (73 y cant) o gytuno bod ymddygiad pobl ifanc heddiw yn waeth nag ydoedd yn y gorffennol. Mae'n syndod o bosibl nad oedd gwahaniaethau sylweddol yn ôl oedran, gyda'r grŵp oedran ieuangaf yr un mor debygol o gytuno â'r datganiad hwn â'r hynaf - roedd 77 y cant o'r rhai 16-34 oed a 73 y cant o'r rhai dros 65 oed yn cytuno â'r datganiad hwn.

Roedd oedolion yng Nghymru a oedd yn dod o gartrefi C2² neu DE³ yn llawer mwy tebygol na'r rhai a oedd yn dod o gartrefi AB⁴ neu C1⁵ o gytuno bod ymddygiad pobl ifanc heddiw yn waeth nag ydoedd yn y gorffennol (cytunodd 81 y cant o oedolion C2 a 85 y cant o oedolion DE o gymharu â 65 y cant o oedolion AB a 71 y cant o oedolion C1). O ystyried bod oedolion C2 ne DE yn fwy tebygol na'r cyffredin o fod wedi gorffen eu haddysg yn 16 oed neu'n iau, cafodd patrwm yr ymatebion gan oedolion C2 a DE ei efelychu ymhlith y rhai a oedd wedi gorffen eu haddysg yn 16 oed neu'n iau (tabl 9.1).

Mae'n syndod o bosibl nad oedd teuluoedd heb blant yn fwy tebygol o gytuno â'r datganiad hwnnw na'r rhai â phlant yn y cartref. Nid oedd gwahaniaethau sylweddol ychwaith o ran ethnigrwydd.

¹ Defnyddir y term 'pobl ifanc' yma i gyfeirio at y rhai rhwng 11 a 25 mlwydd oed.

² Gweithwyr llaw crefftus

³ Gweithwyr llaw lled-grefftus a di-grefft neu sy'n cael budd-daliadau'r wladwriaeth/sy'n ddi-waith

⁴ Cartrefi sy'n cynnwys deiliaid swyddi rheoli/gweinyddol/proffesiynol uwch a chanolraddol

⁵ Cartrefi sy'n cynnwys deiliaid swyddi goruchwyllo, clercol, is-reoli/gweinyddol/proffesiynol.

Tabl 9.1 Cytuno â'r datganiad 'mae ymddygiad pobl ifanc heddiw yn waeth nag ydoedd yn y gorffennol yn ôl is-grŵp

	<i>Sylfaen heb ei phwysoli, n=</i>	<i>Sylfaen wedi'i phwysoli, n=</i>	<i>Cytuno (yn gryf neu'n dueddol o gytuno) (y cant)</i>
Cyfanswm	1,589	1,589	75
Dynion	744	768	73
Menywod	845	821	77
Oedran: 16-34	385	413	77
35-54	598	581	75
55-64	262	248	72
65+	344	347	73
Gwyn Prydeinig/Cymreig	1438	1555	75
Arall	151	34	77
Pâr, â phlant	404	392	76
Pâr, heb blant	542	524	74
Sengl, â phlant	115	126	78
Sengl, heb blant	522	541	75
AB	382	376	65
C1	533	538	71
C2	242	241	81
DE	428	431	85

Roedd canfyddiadau negyddol eraill o ymddygiad ac agweddau pobl ifanc yn amlwg pan gyflwynwyd y datganiad '*nid oes gan bobl ifanc barch tuag at bobl hŷn*' i oedolion yng Nghymru. Cytunodd tua thri chwarter yr oedolion yng Nghymru â'r datganiad hwn (73 y cant), tra anghytunodd tua un o bob pump (19 y cant). Nid oedd gwahaniaethau o ran lefelau cytundeb yn ôl rhyw, oedran neu a oedd plant yn bresennol yn y cartref.

O ran ethnigrwydd, roedd oedolion gwyn Prydeinig/Cymreig yn llai tebygol o gytuno nad oes gan bobl ifanc barch tuag at bobl hŷn na'r rhai a oedd yn perthyn i grwpiau ethnig nad oeddent yn wyn (cytunodd 73 y cant o gymharu ag 81 y cant yn y drefn honno).

Gwelwyd gwahaniaethau clir hefyd o ran cytuno â'r datganiad hwn yn ôl gradd gymdeithasol. Roedd oedolion C2 yn fwy tebygol o gytuno â'r datganiad nag oedolion o bob gradd gymdeithasol arall - 81 y cant o oedolion o gartrefi C2 o gymharu â 69 y cant, 72 y cant a 74 y cant o oedolion o gartrefi AB, C1 a DE yn y drefn honno. Yn gysylltiedig â gradd gymdeithasol, roedd y rhai a orffennodd eu haddysg yn 16 oed neu'n iau yn fwy tebygol o gytuno â'r datganiad hwn na'r rhai a orffennodd eu haddysg yn 17 oed neu'n hŷn - 78 y cant o gymharu â 70 y cant neu'n is yn y drefn honno.

Tabl 9.2 Cytuno â'r datganiad 'nid oes gan bobl ifanc barch tuag at bobl hŷn' yn ôl is-grŵp

	<i>Sylfaen heb ei phwysoli, n=</i>	<i>Sylfaen wedi'i phwysoli, n=</i>	<i>Cytuno (yn gryf neu'n dueddol o gytuno) (y cant)</i>
Cyfanswm	1,589	1,589	73
Dynion	744	768	75
Menywod	845	821	71
Oedran: 16-34	385	413	75
35-54	598	581	75
55-64	262	248	70
65+	344	347	71
Gwyn Prydeinig/Cymreig	1438	1555	73
Arall	151	34	81
Pâr, â phlant	404	392	73
Pâr, heb blant	542	524	73
Sengl, â phlant	115	126	78
Sengl, heb blant	522	541	73
AB	382	376	69
C1	533	538	72
C2	242	241	81
DE	428	431	74

Parch tuag at bobl ifanc a'u barn hwy

Cytunodd dros hanner (54 y cant) o oedolion yng Nghymru â'r datganiad '*nid oes gan bobl hŷn barch tuag at bobl ifanc*'. Anghytunodd 36 y cant o oedolion yng Nghymru. Mae hyn yn gwrthgyferbynnu'n fawr â thri chwarter y boblogaeth a gytunodd 'nad oes gan bobl ifanc barch tuag at bobl hŷn'. Dengys hyn fod y datganiad hwn yn fwy tebygol o daro tant ymhlith oedolion yng Nghymru.

Nid oedd gwahaniaethau cyffredinol o ran cytuno â'r datganiad yn ôl rhyw. Fodd bynnag, fel y gellid ei ddisgwyl, roedd oedran yn chwarae rhan bwysig. Roedd pobl 16-54 (57 y cant) yn llawer mwy tebygol o gytuno â'r datganiad hwn na phobl dros 55 oed (46 y cant).

Roedd gwahaniaeth amlwg o ran cytuno rhwng cartrefi â phlant a'r rhai heb blant. Roedd oedolion yng Nghymru â phlant yn llawer mwy tebygol o gytuno nad oes gan bobl hŷn barch tuag at bobl ifanc na'r rhai heb blant - 65 y cant o gymharu â 50 y cant yn y drefn honno. Fodd bynnag, roedd y grŵp olaf yn tueddu i gynnwys oedolion hŷn.

Nid oedd amrywiad sylweddol o ran cytuno yn ôl gradd gymdeithasol neu ethnigrwydd.

Tabl 9.3 Cytuno â'r datganiad 'nid oes gan bobl hŷn barch tuag at bobl ifanc' yn ôl is-grŵp

	<i>Sylfaen heb ei phwysoli, n=</i>	<i>Sylfaen wedi'i phwysoli, n=</i>	<i>Cytuno (yn gryf neu'n dueddol o gytuno) (y cant)</i>
Cyfanswm	1,589	1,589	54
Dynion	744	768	53
Menywod	845	821	55
Oedran: 16-34	385	413	62
35-54	598	581	58
55-64	262	248	49
65+	344	347	44
Gwyn Prydeinig/Cymreig	1438	1555	55
Arall	151	34	49
Pâr, â phlant	404	392	64
Pâr, heb blant	542	524	50
Sengl, â phlant	115	126	67
Sengl, heb blant	522	541	50
AB	382	376	54
C1	533	538	54
C2	242	241	60
DE	428	431	53

Er gwaethaf canfyddiadau negyddol ynglŷn ag ymddygiad ac agweddau pobl ifanc, teimlai'r mwyafrif o oedolion yng Nghymru 'nad yw oedolion yn gwrando ar farn pobl ifanc ddigon'. Cytunodd tua dau o bob tri (67 y cant), o oedolion yng Nghymru tra anghytunodd tua chwarter (24 y cant).

Roedd oedolion yng Nghymru yn y band oedran ifancaf yn fwy tebygol o gytuno â'r datganiad hwn na'r rhai yn y band oedran hynaf (73 y cant o bobl 16-34 oed o gymharu â 61 y cant o bobl dros 65 oed). Ymddengys y gellir priodoli'r gwahaniaeth hwn i fenywod gan fod y rhai 16-34 oed yn fwy tebygol o gytuno â'r datganiad hwn na phobl 55-64 oed neu dros 65 oed - 78 y cant o bobl 16-34 oed o gymharu â 67 y cant o bobl 55-64 oed a 57 y cant o bobl dros 65 oed.

Roedd yr oedolion hynny a oedd yn 'sengl â phlant yn byw yn y cartref' yn llawer mwy tebygol o gytuno â'r datganiad hwn na phobl o unrhyw

statws teuluol arall (cytunodd 83 y cant o gymharu â 70 y cant neu'n is i bob grŵp arall). Unwaith eto mae hyn yn ymwneud ag oedran, gan fod 58 y cant o bobl sengl â phlant yn dod o fewn yr amrediad oedran 16-34.

Nid oedd gwahaniaethau yn ôl ethnigrwydd na gradd gymdeithasol.

Tabl 9.4 Cytuno â'r datganiad 'nid yw oedolion yn gwrando ar farn pobl ifanc ddigon' yn ôl is-grŵp

	<i>Sylfaen heb ei phwysoli, n=</i>	<i>Sylfaen wedi'i phwysoli, n=</i>	<i>Cytuno (yn gryf neu'n dueddol o gytuno) (y cant)</i>
Cyfanswm	1,589	1,589	67
Dynion	744	768	65
Menywod	845	821	69
Oedran: 16-34	385	413	73
35-54	598	581	67
55-64	262	248	65
65+	344	347	61
Dynion: 16-34 oed	172	193	67
35-54	297	298	64
55-64	128	125	63
65+	147	153	66
Menywod: 16-34 oed	213	220	78
35-54	301	284	71
55-64	134	123	67
65+	197	194	57
Gwyn Prydeinig/Cymreig	1438	1555	67
Arall	151	34	59
Pâr, â phlant	404	392	70
Pâr, heb blant	542	524	64
Sengl, â phlant	115	126	83
Sengl, heb blant	522	541	65
AB	382	376	64
C1	533	538	67
C2	242	241	67
DE	428	431	70

Crynodeb

Mae'r ymchwil yn amlygu rhai canfyddiadau eithaf negyddol o bobl ifanc ymhlith oedolion yng Nghymru, a gwelir yr un peth mewn meysydd eraill o'r arolwg (gweler isod).

Cytunodd tua thri chwarter yr oedolion yng Nghymru fod ymddygiad pobl ifanc yn waeth nag ydoedd yn y gorffennol ac nad oes gan bobl ifanc barch tuag at bobl hŷn. Mewn gwrthgyferbyniad â hynny dim ond hanner a gredai nad oes gan bobl hŷn barch tuag at bobl iau.

Eto i gyd, cytunodd dau o bob tri o oedolion yng Nghymru nad oedd oedolion yn gwrando ar farn pobl ifanc ddigon. Efallai fod hyn yn dangos cydnabyddiaeth bod cysylltiad o bosibl rhwng y ffaith nad yw pobl ifanc yn teimlo bod eraill yn 'gwrando arnynt' a'r effaith ar eu hymddygiad. Yn yr achos hwn, roedd oedran yn dylanwadu'n gryf ar y canlyniadau: roedd pobl hŷn (dros 65 oed) yn llai tebygol o gytuno na grwpiau oedran iau (16-34) nad oedd eraill yn gwrando ar farn pobl ifanc ddigon.

Mae'r dogfennau dadansoddi eraill 'Ymwneud Bob Dydd' a 'Y Gweithle' yn ystyried agweddau eraill tuag at blant a phobl ifanc.

Nodiadau

Mae rhagor o wybodaeth am yr ymchwil ar gael ar dudalennau'r Comisiwn yng Nghymru ar ein gwefan yn:

www.equalityhumanrights.com

Ynglŷn â'r arolwg o agweddau

Comisiynodd y Comisiwn Cydraddoldeb a Hawliau Dynol yng Nghymru GfK NOP i ymgymryd ag ymchwil i agweddau pobl tuag at wahaniaethu, hawliau dynol a chydlyniant cymdeithasol yng Nghymru. Mae'r ymchwil yn ceisio archwilio agweddau pobl tuag at wahaniaethu o ran rhyw, grwpiau lleiafrifoedd ethnig, pobl anabl, dynion hoyw a lesbiaid, materion o ran oedran, crefydd a ffydd a hefyd y Gymraeg. Mae'r canlyniadau hyn yn rhoi mesur sylfaenol o agweddau y gellid eu mesur eto yn y dyfodol.

Roedd y sampl yn cynnwys 1,589 o ymatebwyr. Cynhaliwyd yr arolwg dros y ffôn. Cafodd pob ymatebwr y dewis o gwblhau'r arolwg yn Gymraeg. Ymdriniwyd â materion o ran mynediad drwy gynnig y cyfle i ddefnyddio gwasanaeth TypeTalk i'r rhai â nam ar y clyw. I'r rhai a gafodd anhawster i gyfathrebu yn Saesneg cynigiwyd y cyfle i ddefnyddio Llinell Iaith i gyfieithu'r cyfweiliad.

Roedd y dull samplu a ddefnyddiwyd yn yr arolwg yn cyfuno dewis rhifau drwy Ddeialu Digidau ar Hap (RDD) a defnyddio cwotâu i reoli proffil y rhai a gymerodd ran yn yr arolwg. Pennwyd cwotâu yn ôl rhanbarth yng Nghymru (pum rhanbarth), yn ôl rhyw ynghyd â statws gwaith, yn ôl band oedran ac yn ôl tarddiad ethnig yn seiliedig ar wybodaeth ddemograffig a gafwyd o Gyfrifiad 2001. Pennwyd y rhain i sicrhau y byddai'r sampl yn gynrychioliadol o boblogaeth Cymru yn ôl y ffactorau hyn.

Hybwyd cyfweiliadau mewn ardaloedd lle roedd cyfran uwch o bobl o leiafrifoedd ethnig yn y boblogaeth.

Cymharu â'r Alban a Phrydain Fawr

Cymharwyd y canfyddiadau ag Arolwg 2006 o Agweddau Cymdeithasol yn yr Alban a'r archwiliad o ganfyddiadau a gynhaliwyd gan GfK NOP. Dylid nodi mai dim ond cymharu'n fras y gellir ei wneud am fod methodolegau gwahanol wedi'u defnyddio yn y ddau arolwg hyn. Felly, mae'n rhaid trin unrhyw debygolrwydd neu wahaniaeth rhwng canfyddiadau'r arolygon hyn a chanlyniadau arolwg y Comisiwn Cydraddoldeb a Hawliau Dynol yng Nghymru fel rhai dangosol yn hytrach na rhai absoliwt.